



西寧府新志卷之二十

武備志

遼海楊應琚佩之撰



西寧府

明塞外四衛

安定衛 在西寧西北甘州西南漢為諾羌唐為吐

蕃地元封宗室卜烟帖木兒為寧王鎮之其地本

名撒里畏兀兒廣袤千里東近罕東北通沙州南

接西番居無城郭以氊帳為廬舍產駝馬牛羊洪

武二年遣使持詔招諭七年六月卜烟帖木兒使



其府尉麻荅兒等來朝貢鎧甲刀劍諸物太祖喜  
晏賚其使者遣官厚賚其王而分其地爲阿端阿  
真若先帖里四部各錫以印明年正月其王遣傳  
卜顏不花來貢上元所授金銀字牌請置安定阿  
端二衛從之乃封卜烟帖木兒爲安定王以其部  
人沙刺等爲指揮九年命前廣東叅政鄭九成等  
使其地賚王及其部人衣幣明年王爲沙刺所弑  
王子板咱失王復讐誅沙刺沙刺部將復殺王不  
部內大亂番將多兒只巴叛走沙漠經安定大

殺掠奪其印去其衆益衰二十五年藍玉西征徇

阿真川土酋司徒哈答等懼逃匿山谷不敢出及

肅王之國甘州遣僧謁王乞授官以安部衆王爲

奏請帝許之二十九年命行人陳誠至其地復立

安定衛其酋長哈孩虎都魯等五十八人悉授指

揮千百戶等官誠還酋長隨之入朝貢馬謝恩帝

厚賚之復命中官齎銀幣往賜永樂元年遣官齎

敕撫諭撒里諸部明年安定頭目多來朝擢千戶

三節等三人爲指揮僉事餘授官有差并賜本衛



指揮同知哈三等銀幣未幾指揮朵兒只束來朝願納差發馬五百匹命河州衛指揮康壽往受之壽言罕東必里諸衛納馬其直皆河州軍民運茶與之今安定遼遠運茶甚難乞給以布帛帝曰諸番市馬用茶已著爲例今姑從所請後仍給茶於是定制上馬給布帛各二疋以下遞減三年哈三等遣使來貢奏舉頭目撒力加藏卜等爲指揮等官且請歲納孳畜什一並從之四年徙駐苦兒丁之地初安定王之被殺也其子撒兒只失加爲其

兄所殺部衆潰散子亦攀丹流寓靈藏十一年五月率衆入朝自陳家難乞授職帝念其祖率先歸附令襲封安定王賜印誥自是朝貢不輟二十二年中官喬來喜鄧誠使烏斯藏次畢力朮江黃羊川安定指揮哈三孫散哥及曲先指揮散即思等率衆邀劫之殺朝使盡奪駝馬幣物而去仁宗大怒勅都指揮李英偕康壽等討之英等率西寧諸衛軍及隆奔國師賈失兒蓋藏等十二番族之衆深入追賊賊遠遁英等踰崑崙山西徠數百里抵



雅令濶之地遇安定賊擊敗之斬首四百八十餘級生禽七十餘人獲駝馬牛十四萬有奇曲先聞風遠竄追之不及而還英以此封會寧伯壽等皆進秩大軍既旋指揮哈三等懼罪不敢還故地宣德元年帝遣官招諭之復業者七百餘人帝並賜綵幣表裏以安其反側三年春賜安定及曲先衛指揮等官五十三人誥命初大軍之討賊也安定指揮桑哥與罕東衛軍同奉調從征罕東違令不至其所轄板納族瞰桑哥軍遠出盡掠其部內廬

帳畜產事聞降勅切責令速歸所掠違命則發兵進討已進桑哥都指揮僉事正統元年遣官齎敕諭安定王及桑哥曰我祖宗時爾等順天命尊朝廷輸誠効力始終不替朝廷恩賚亦久而弗渝肆朕嗣位爾等復遵朝命約束部下良用爾嘉茲特遣官往諭朕意賜以幣帛宜益順天心篤忠誠保境睦鄰永享太平之福二年桑哥卒其子那南奔嗣職九年那南奔率眾掠曲先人畜朝廷遣官諭還之不奉命反劫其行李帝怒勅責安定王追理



王既奉命又陳詞乞憐帝乃宥之諭以保國睦鄰之義十一年冬亦攀丹卒子領占幹些兒襲時王年幼叔父指揮同知輟思泰巴佐理國事其同儕多不相下王遣之入朝奏請量加一秩乃擢都指揮僉事歷景泰天順成化三朝頗入貢洪治三年領占幹些兒卒子千奔襲賜齋糧麻布諭祭其父先是哈密忠順王卒無子廷議安定王與之同祖遣官擇一人爲其後安定王不許至是訪求陝巴於安定冊爲忠順王命千奔追送家屬千奔怒曰

陝巴不應嗣王爵爵應歸綽爾加綽爾加者千奔弟也且邀厚賞兵部言陝巴實忠順王之孫素爲國人所服前哈密無主遣使取應立者綽爾加自知力弱不肯往今事定之後乃爾反覆所言不可從陝巴迄得立然千奔以立非己意後哈密數被寇竟不應援十七年率衆侵沙州大掠而去正德時蒙古大酋亦不剌阿爾禿廝侵據西海縱掠鄰境安定遂殘破部衆散亡僅存餘孽江纏爾加等僧俗四十有奇徙居西寧沙棠川威遠城東歲輸



馬一十有奇

阿端衛在撒里畏兀兒之地洪武八年置後爲朶兒只巴殘破其衛遂廢永樂四年冬酋長小薛忽魯札等來朝貢方物請復置衛設官從之卽授小薛等爲指揮僉事洪熙時曲先首散卽思邀劫朝使脅阿端指揮鎖魯丹偕行已大軍出征鎖魯丹懼率部衆遠竄失其印宣德初遣使招撫鎖魯丹猶不敢歸依曲先雜處六年春西寧都督史昭言曲先衛真只罕等本別一部因其父助散卽思爲

逆竄處畢力朮江其地當烏斯藏孔道恐復爲亂宜討之帝敕昭曰殘寇窮迫無地自容宜遣人宥其罪令復故業於是真只罕率所部還居帖兒谷舊地明年正月入朝天子喜授指揮同知令掌衛事以指揮僉事卜荅兀副之真只罕因言阿端故城在回回境去帖兒谷尚一月程朝貢艱乞移本土爲便天子從其請仍給以印賜璽書撫慰之迄正統朝數入貢後不知所終其時西域地亦有名阿端者貢道從哈密入與此爲兩地云



曲先衛 在西寧西北肅州西南東接安定古西戎漢西羌唐吐蕃元設曲先峇林元帥府洪武時酋長入貢命設曲先衛官其人爲指揮後遭朵兒只巴之亂部衆竄亡併入安定衛居阿真之地永樂四年安定指揮哈三散卽思三卽等奏安定曲先本二衛後合爲一比遭土番把禿侵擾不獲寧居乞仍分爲二復先朝舊制從之卽令三卽爲指揮使掌衛事散卽思副之又從其請徙治藥王淮之地自是屢入貢洪熙時散卽思偕安定部首劫殺朝使已大軍往討散卽思率衆遠遁不敢還故土宣德初天子赦其罪遣都指揮陳通等往招撫復業者四萬二千餘帳乃遣指揮失刺罕等入朝謝罪貢駝馬待之如初尋擢散卽思都指揮同知其僚屬悉進官給以誥命五年六月朝使自西域還言散卽思數率部衆邀劫往來貢使梗塞道途天子怒命都督史昭爲大將率左右衆將趙安王或及中官王安王瑾督西寧諸衛軍及安定罕東之衆往征之昭等兵至其地散卽思先遁其黨脫脫



不花等迎敵諸將縱兵擊之殺傷甚衆生禽脫脫不花及男婦三百四十餘人獲駝馬牛羊三十四萬有奇自是西番震懾散卽思素狡悍天子宥其罪仍怙惡不悛至是人畜多損失乃悔懼明年四月遣其弟副千戶堅都等四人貢馬請罪復待之如初令還居故地并歸其俘七年其指揮那那罕言往者安定之兵從討曲先臣二女四弟及指揮桑哥等家屬被掠者五百人今散卽思已蒙赦宥而臣等親屬猶未還望聖明垂憐天子得奏惻然

語大臣曰朕常以用兵爲戒正恐濫及無辜彼不自言何由知之卽敕安定王亦攀丹等悉歸所掠其年散卽思卒命其子都力嗣職賜敕勉之十年擢那那罕都指揮僉事其僚屬進職者八十九人正統七年遣使貢玉石成化時土魯番強被其侵掠洪治中安定王子陝巴居曲先廷議哈密無主迎爲忠順王正德七年蒙古酋阿爾禿廝亦不刺竄居青海曲先爲所蹂躪部族竄徙其衛遂亡松門楊氏曰按明初設安定阿端曲先罕東赤斤沙



州諸衛給之金牌令歲以馬易茶謂之差發沙州赤  
斤隸肅州餘悉隸西寧稱塞外四衛第查罕東衛在  
赤斤南漢燉煌郡地也卽今之安西應入安西志寧  
郡不得攬而有也故不載時甘州西南西寧西北盡  
皆番族受邊臣羈絡惟北面防寇後諸衛盡亡亦不  
刺等據青海土魯番復據哈密逼處關外諸衛遷徙  
之衆環列肘腋犷悍難馴於是河西外防大寇內防  
諸番兵事日亟矣我

朝拓境直至伊吾凡此一帶羌戎悉有分地諸番皆內

附諸戎皆守土莫不率俾內外又安可謂得制禦之  
要道也

### 青海

青海卽西海在湟中西海面有七百餘里爲衆水會  
歸之所故海岸東西南北皆有水泉厥草豐美宜畜  
牧素號樂土漢武帝元狩六年先零與封養牢姐種  
解仇結盟與匈奴通合兵攻令居塞帝遣將軍李息  
郎中徐自爲擊平之羌乃去湟中依西海鹽池左右  
始爲羌所據平帝元始四年時王莽秉政諷羌獻西



西寧府新志 卷之五 地理 九  
海之地置西海郡而築五縣徙天下犯禁者處之周  
海亭燧相望莽篡政紛亂郡亦廢棄和帝永元十四  
年時西海無復羌寇隃糜相曹鳳上言燒當諸種衰  
困遠依發羌宜及此時建復西海郡從之嗣復爲羌  
所據晉時呂光徙西海郡人於諸郡尋徙樂都南北  
朝隸吐谷渾後魏孝文帝太和四年拜吐谷渾伏連  
籌爲西海郡公孝明帝正光三年以高車國主覆羅  
伊訶爲西海郡公隋煬帝大業五年至西平陳兵講  
武命內史元壽等圍吐谷渾於袁覆川伏允遠遁置

西海河源等郡秋七月置馬牧於青海求龍種唐太  
宗貞觀八年鄯州刺史李玄運表吐谷渾牧馬青海  
輕兵掩之可盡致乃命段志元等擊之夷覺驅馬走  
止得牛羊二萬而還九年以李靖爲青海道行軍大  
總管率侯君集等伐吐谷渾大破之高宗龍朔三年  
吐蕃攻吐谷渾詔鄭仁泰救之乾封元年吐谷渾慕  
容賢爲青海國王時吐蕃漸強青海爲其所有鄯州  
都督李敬元與吐蕃戰於青海敗績永隆二年吐蕃  
贊婆屯青海河源道經畧大使黑齒常之襲破之元



宗時節度使王君奭王忠嗣等屢破吐蕃於青海後  
五代以至宋元爲唃廝羅等所據號爲西番故有西  
番都護之官焉明正德四年蒙古部首亦不剌阿爾  
禿廝擁衆西奔瞰知青海饒富襲而據之破安定四  
衛番人多遠徙其畱者反爲所役屬自是西寧有海  
寇之患九年總制彭澤集諸道軍將擣其巢寇訶知  
之由河州渡黃河奔四川出松潘茂州境直走烏斯  
藏及大軍引還則仍返海上惟阿爾禿廝遁去嘉靖  
二年尚書金獻民西征議遣官招撫許爲藩臣如先

朝設安定曲先諸衛故事兵部行總制楊一清計度  
一清意在征討言寇精騎不過二三千餘皆脅從番  
人然怨之入骨時欲報讐可用爲間諜大舉勦絕議  
未定王憲王瓊相繼來代皆以兵寡餉訕議竟不行  
八年洮岷諸番數犯內地樞臣李承勳言番爲海寇  
所侵日益內徙倘二寇交通何以善後昔趙充國不  
戰而服羌段熲殺羌百萬而內地虛耗兩者相去遠  
矣乞廣先帝之明專充國之任制置方畧悉聽瓊便  
宜從事瓊乃集衆議且勦且撫先遣總兵官劉文游



擊彭械分布士馬明年二月自固原進至洮岷遣人  
開示禍福洮岷各番族皆聽撫惟岷州東路若籠族  
西路板爾等十五族及岷州刺卽等五族恃險不服  
乃分兵先攻若籠板爾二族覆其巢卽刺諸族震懼  
乞降凡斬首二百六十餘級撫定七十餘族乃班師  
自是洮岷獲寧而西寧仍苦寇患十一年甘肅巡撫  
趙載等言亦不剌據海上已二十餘年其黨卜兒孩  
獨傾心向化求帖木哥等屬番來納款宜因而撫之  
或俾之納馬或令其遣質或授官給印建立衛所爲

我藩籬於計爲便疏甫上會河套酋吉囊引衆西掠  
大破亦不剌營收其部落大半而去惟卜兒孩一枝  
歛衆自保由是西寧亦獲休息而納款之議竟寢及  
唐龍爲總制寇南掠松潘龍慮其回巢與諸番及他  
部勾通爲患奏行甘肅守臣繕兵積粟爲殄滅計及  
龍去事亦不行二十年正月卜兒孩獻金牌良馬求  
款兵部言寇果輸誠通貢誠西陲大利乃止獻馬及  
金牌未有如往歲遣子入侍酋長入朝之請未可遽  
許宜令督撫臣偵察情實並條制馭之策以聞報可



會寇勢漸衰番人亦漸復業其議復寢時北部俺荅  
猖獗歲掠宣大諸鎮又羨青海富饒三十八年攜子  
賓兔丙兔等數萬衆龍來據其地小兒孩鼠走遂縱掠  
諸番至四十年以中濕腫足而歸留賓兔據松山丙  
兔據青海西寧亦被其患隆慶中俺荅受封順義王  
修貢惟謹二子亦欽戢時烏思藏僧有稱活佛者諸  
部多奉其教丙兔乃以焚修爲名請建寺青海及嘉  
峪關外爲久居計廷臣多言不可許禮官言彼已採  
木興工而令改建於他所勢所不能莫若因而許之

以鼓其善心而杜其關外之請况中國之禦戎惟在  
邊關之有備戎之順逆亦不在一寺之遠近帝許之  
丙兔旣得請又近脅番人使通道松潘以迎活佛四  
川守臣懼逼乞令俺荅約束其子毋擾鄰境俺荅言  
丙兔止因甘肅不許開市寧夏又道遠艱難雖有禁  
令不能盡制宜大總督方逢時亦言開市爲便帝以  
責陝西督撫督撫不敢違萬歷二年冬許丙兔市於  
甘肅賓兔市於莊浪歲一次旣而寺成賜額仰華先  
是亦不刺之據青海邊臣猶以外寇視之至是以俺



蒼故竟視若屬番諸酋亦以父受王封尚不敢大爲邊患自丙兔據青海有切盡台吉者河套吉能從子俺蒼從孫也從之而西屢掠番人不得志邀俺蒼往助俺蒼雅欲侵瓦刺乃假迎活佛名擁衆西行疏請授丙兔都督賜金印且開茶市部議不許但稍給以茶俺蒼既抵瓦刺戰敗而還乃移書甘肅守臣乞假道赴烏思藏守臣不能拒遂越甘肅而南會諸酋於海上番人益遭蹂躪多竄徙八年春始以活佛言東還而切盡弟火落赤及俺蒼庶兄子永邵卜遂留居

青海不去八月丙兔率衆掠番並內地人畜詔絕市賞俺蒼聞之馳書切責乃盡還所掠執獻爲惡者六人自罰牛羊七百帝嘉其父恭順賚之銀幣卽以牛羊賜其部人爲惡者付之自治仍許貢市俺蒼益感德而火落赤侵掠番族不休守臣檄切盡台吉約束之亦引罪輸服及俺蒼卒傳至孫拉力克勢輕不能制諸酋十六年九月瓦刺他卜囊部衆有闖入西寧者副總兵李奎方被酒躍馬而前部衆控鞍欲懇奎拔刀斫之衆遂射奎死及千把總指揮八員領兵



西寧府志 卷之五  
官四十餘員全軍覆沒守備不能討遣使詰責但獻  
首惡還人畜而止以故無所憚愈肆侵盜時丙兔及  
切盡台吉亦皆死丙兔子真相移駐莽刺川火落赤  
移駐捏工川逼近西寧日蠶食番族折而爲寇用拉  
力克又西行助之十八年六月入舊洮州副總兵李  
聯芳率三千人禦之盡覆七月復深入大掠河州臨  
洮渭源總兵官劉承嗣與游擊孟孝臣各將一軍禦  
之皆敗績游擊李芳等死焉西陲大震事聞命尚書  
鄭洛出經畧洛前督宣大軍撫順義王及忠順夫人

有恩遣使趣拉力克東歸而大布招番之令來者率  
善遇之自是歸附者不絕火真二酋自知罪重又聞  
套酋卜失兔來助大敗於水泉口拉力克復將還巢  
始懼徙帳去留其黨可卜兔等於莽刺川明年總兵  
官尤繼先破走之洛更進兵青海焚仰華寺逐其餘  
衆而還番人復業者至八萬餘人西陲暫獲休息已  
復聚於青海其種類有火落赤真相台吉納刺台吉  
沙刺台吉哈壇把都兒南把兔兒台吉著力兔等與  
永邵卜瓦刺他卜囊部落蟠聚雜處二十三年增設



臨洮總兵官以劉綎任之未幾瓦剌他卜囊犯南川  
兵備副使劉敏寬參將達雲大破之已連納刺諸酋  
犯西川巡撫田樂率敏寬達雲又擊破之明年諸酋  
復掠番族將窺內地綎部將周國柱禦之莽刺川又  
大破之自是屢入鈔掠因兵備副使劉敏寬參將達  
雲同知龍膺通判高第文武協衷有智有勇恤兵籌  
餉不遺餘力故不能大得志崇正十六年冬李自成  
遣將陷甘州獨西寧不下賊將辛恩忠攻破之遂進  
掠青海諸酋多降附而明室亦亡

皇清定鼎燕京有厄魯忒固始汗者青海沿邊直抵西藏  
皆爲其所有聞

天威赫奕遂稽首歸命其餘咬爾喀 圖爾古忒 準噶爾  
灰忒俱係流居青海共蒙古五種後支派漸分總名  
十八家其白塔貴德郭密拉科及玉樹納克書遠近  
各番俱屬青海分轄歲納添巴居雜諸羌密邇甘涼

聖祖仁皇帝每廬於懷旣

親統六師平定朔漠青海部落扎什巴兔爾等震聳康熙四

十一年因沛



殊恩命刺麻商南多爾智招撫內附封固始汗子孫羅布藏  
 丹津為親王其餘亦授以貝勒貝子公台吉等職歲  
 支俸銀赴京關領卽以刺麻商南多爾智住寧撫理  
 夷情後郎中二郎保員外郎馬爾漢侍郎常壽相繼  
 辦理至雍正元年羅布藏丹津以青海蒙古有拂其  
 意者輒自征伐侍郎常壽奉

命解和而羅布藏丹津違背是時郡王代青和碩氣見其  
 鋒銳難禦奔赴河州

特命頭等侍衛達鼐迎赴河州招撫其貝勒額爾得尼厄爾  
 克托克奈貝子索諾木達什公噶爾旦達什奔赴甘  
 州羅布藏丹津與同黨阿拉克諾木齊阿爾布坦  
 溫布藏巴扎布等益肆猖狂是年九月

世宗憲皇帝命川陝總督年羹堯來寧以觀形勢年羅布  
 藏丹津迫脅各蒙古暨內外諸番侵犯南北西三川  
 焚虜村堡是時各族番人大奇刺麻亦有蠢動者遂  
 授羹堯為撫遠大將軍徵調川陝官兵整羅數討以是年

十月師始出塞自冬涉春屢破其眾凡同叛之部落  
 戈鋌所指應時摧敗招降數十萬眾又降其貝勒貝



子公台吉等二十餘人

上猶憫其蠢愚若悔禍思愆束手來歸許其舍宥乃怙惡不  
悛負險抗違故始決翦滅之計以方畧

密付大將軍羹堯調度軍謀簡稽將士用四川提督岳鍾  
琪為奮威將軍令頭等侍衛達蘇自河套寧委以隨  
征兵部兼議政大臣率西寧總兵官黃喜林於仲春  
初旬馮牙徂征分道深入禱其窟穴電掃風驅搜剔  
巖阻賊徒蒼黃糜潰窮蹙失據直至哈嗎爾打坂漢  
羅布藏丹津之母及逆謀渠魁丹津紅台吉等悉就

俘執禽獲賊衆累萬招徠三十三家台吉策令那木  
扎爾等所得牲畜軍械不可數計賊首羅布藏丹津  
逃遁準噶爾地方我師踰險窮追獲其輜重人口殆  
盡自二月八日至二十有二日僅旬有五日本清西  
徼二月之朔奏凱旋旅四月十有二日以倡逆之吹  
拉克諾木齊等三人獻俘

廟

其陳異因

社於是內外羌戎咸以手加額誠服我

世宗憲皇帝之神謀遠畧也又經羹堯條奏青海蒙古宜賦



喀爾喀之例分其旗分編爲佐領各管各屬定有分界而原屬番人勿許管轄另行安插使權不歸一去其羽翼因

命理藩院侍郎鄂賚公同副都統達鼐於雍正三年出口振賞窮乏分編佐領查明青海蒙古乃二十九家卽分爲二十九旗每旗設協理台吉一員管旗章京副章京參領各一員按戶口之多寡以百五十戶爲一佐領共佐領一百一十四箇半每佐領設佐領一員驍騎校一員二十九旗扎薩克玉貝勒貝子公台吉俱

俘執禽獲賊衆累萬招徠三十三家台吉策令那木扎爾等所得牲畜軍械不可數計賊首羅布藏丹津逃遁準噶爾地方我師踰險窮追獲其輜重人口殆盡自二月八日至二十有二日僅旬有五日永清西徼三月之朔奏凱旋旅四月十有二日以倡逆之吹拉克諾木齊等三人獻俘

廟

社於是內外美成咸以手加額誠服我

世宗憲皇帝之神謀遠畧也又經莫堯條奏青海蒙古宜照



喀爾喀之例分其旗分編為佐領各管各屬定有分界而原屬番人勿許管轄另行安插使權不歸一去其羽翼因

命理藩院侍郎鄂賚公同副都統達鼐於雍正二年出口振賞窮乏分編佐領查明青海蒙古乃二十九家即分為二十九旗每旗設協理台吉一員管旗章京副章京參領各一員按戶口之多寡以百五十戶為一佐領共佐領一百一十四箇半每佐領設佐領一員驍騎校一員二十九旗扎薩克王貝勒貝子公台吉俱

係世職頒授印信冊詔其協理台吉一職引

見補授又經副都統達鼐奏准各扎薩克憲書俸級由京

解寧支散俸銀在寧支領各扎薩克分為四班每年

元旦朝

覲遇而復始併定以總理青海大臣每年出口會集各扎薩克會盟一次不得自相會集是年副都統達鼐加銜散秩大臣歲給養廉銀一千五百兩辦理青海諸務雍正四年會同西寧總兵官周開捷安插西寧河洮各番族每族委一百戶歸地方文武管轄田畝陞科



雍正五年會同總兵官周開捷條議以沿邊各寺族  
喇嘛有名國師禪師者名目不合宜收前明各敕印  
換給僧綱都綱職銜議給衣單口糧其原管番族歸  
州縣管理原徵香糧歸作正賦雍正六年準噶爾賊  
夷侵犯噶斯卡倫散秩大臣達鼐即於除日出口統  
綠旗蒙古官兵追勦直抵噶斯禽獲準噶爾遺賊盆  
素克收其陣亡官兵骨殖尚欲進追旋奉

命不必深入道即撤回嗣築烏木漢城西寧正西一千二百  
餘里駐兵遠斥候雍正九年準噶爾侵犯西北兩路

### 軍營

命侍郎衆佛保統兵萬人防範青海佛保以供支費繁

奏用二千人可以堵禦時青海扎薩克鎮國公拉插布  
札薩克台吉插罕阿拉布坦各帶部屬潛逃散秩大  
臣達鼐輕騎追至木魯烏素捐備糧餉調集彼地番  
人招撫而插罕阿拉布坦之子拒捕被殺其拉插布  
插罕阿拉布坦疏撫解部蒙

聖慈寬其罪愆追奪公誥降爲庶人交伊叔親王代青和碩  
氣管束伊子降襲扎薩克台吉台吉插罕阿拉布坦



西寧府志 卷之五 兵備  
在京病故遺職族姪龍襲替散秩大臣達鼐蒙

恩獎勵賞三千金是年六月扎薩克台吉諾爾布派住滕蓋

里卡倫自彼謀叛帶屬下蒙古搶劫滿兵馬匹殺傷  
馬廠滿兵及築城夫役青海扎薩克內亦有感動者  
沿途各臺兵驚散亦有被傷者侍郎衆佛保馳至扎  
海蘇台安撫各蒙古整理臺站文報始通諾爾布聞  
奏知散秩大臣達鼐禽獲拉插布將抵青海遂棄戈潛  
遁經副都統格梅爾派兵禽獲送京訊明解寧正法  
遺職伊弟色特爾布木襲替

國家恩威並濟邇來恭順安靜每旗編佐領不等共設

佐領一百四箇半每佐領一箇設有壯丁一百五十

名不計戶口共壯丁一萬五千六百七十五名其扎

薩克王公台吉或遠或近皆在青海之四面聯絡住

牧如公巴且今台吉達克扎薩克刺麻吹達克

三旗住牧青海之正東親王汪楚克公貢格達

什納木扎爾台吉吉克吉扎布汪楚克阿里布

坦達爾吉色特爾布木等七旗俱住牧青海之

東南郡王策令阿拉布坦額爾得尼厄爾克托克



托蘇貝勒達什且令台吉小策令達什敦多  
 布沙拉額爾德尼吉濃丹仲等七旗皆住牧青  
 海之正南公丹盡一旗住牧青海之西南貝子索諾  
 木達什公策令納木扎爾台吉哈爾噶斯策  
 令多爾吉巴爾當恭布等六旗皆住牧青海之  
 正西郡王滾楚克達什台吉達麻林色小滕三  
 旗住牧青海之西北貝子丹巴公羅卜藏插漢  
 滾楚克扎布三旗俱住牧青海之正北蓋漢時謂  
 之西海唐時謂之青海蒙古謂之苦苦諾兒此青海  
 古今沿革我  
 朝措置之大畧也



陳部置之大略也

卷二十一終

西寧府新志卷之二十一

武備志

西寧府

西藏北與青海接壤有事則用軍兵其  
余按款詳識庶後來者有考焉

藏地於天官井鬼之分野也歷為圖伯特國諸史多  
未及載考其地即西吐蕃也唐孝德皇帝於大詔寺  
立有甥舅聯姻碑記元世祖以其地之大刺麻八思  
巴為大寶法王賜玉印前明為烏斯藏又稱為康衛  
藏康即今之又木多衛即今之西藏藏即今之後藏



北什隆布總謂之唐古忒其唐公主所下嫁者為蘇  
隆藏干布其祖為納禮布乃額勒特莽固禮之後馬  
克扎巴之子傳數世至蘇隆藏干布其勢始大併西  
番地內附於唐又納白布國王之女為妾唐公主好  
善修大小二詔藏寺也築城於布達拉為宮室藏地也五里  
有刺麻宗持黃教為美戎康巴藏衛崇奉之至尊至  
我

朝

太宗文皇帝崇德七年後藏班禪刺麻前藏達賴刺麻藏王

固始汗謂東土有

聖人出遣使達盛京繞路潛行數年始至諺云一刺麻能世  
世轉生

聖朝定鼎第五輩達賴刺麻入

覲頒給達賴刺麻冊寶固始汗子孫拉藏汗方印一顆其印係翊

法恭順汗之印清字蒙古字漢字三樣篆文管理唐古忒地方事務後被

準噶爾澤旺阿拉布坦妄生事端遣車令敦多布率  
領人眾滅壞達賴刺麻黃教拆毀寺廟屠戮生靈侵  
據西藏地方將拉藏汗之印奪與附逆之達則磔巴



西寧府志 卷二十一 正傳 二  
掌理亦呼爲汗迨達賴刺麻轉生裏塘移駐西寧塔  
兒寺後仰蒙

聖祖仁皇帝命撫遠大將軍王平逆將軍延信來寧統領陝  
西滿漢官兵護送達賴刺麻自塔兒寺起程進藏征  
討又

命定西將軍噶爾弼等統領荊州滿兵四川綠旗官兵由巴  
裏二塘一路招撫進藏又

命副都統伍格帶江浙滿兵至滇會合雲南鶴麗總兵官趙  
坤援勦副將郝玉麟等官兵由中甸一路進藏準噶

爾賊衆聞我軍遠至心膽墮地遁回巢穴西藏各酋  
長咸凜

天威分迎師旅俱於五十九年八月內抵藏地九月初六日  
送達賴刺麻上布達拉山大殿坐牀重興法教藏衛  
人民始得咸登衽席隨擒附逆之達則磔巴等正法  
議留川滇官兵鎮守兩路將軍凱奏赴川回

京復

命封西藏噶隆等官爵雍正元年

勅封阿里康吉鼐爲貝子頗羅鼐等二名爲台吉二年



欽頒達賴刺麻金冊金寶

印係西天自在佛總理天下釋教普通日赤杜坦喇達賴刺麻

之印清字蒙古字漢字  
唐古忒字四樣篆文 鐫立

聖祖仁皇帝御製平定西藏碑記五年西藏公隆布奈等謀

逆殺死管藏之貝子康吉彙六年

世宗憲皇帝命左都御史查郎阿護軍統領邁祿西寧鎮總

兵官周開捷副之統領陝西官兵由西寧一路進討

鑾儀使周瑛統領川省官兵由霍耳一路進討鶴麗

鎮總兵官南天祥率領雲南官兵由昌都一路進討

軍聲遠震於是台吉頗羅彙糾合後藏阿里扎什隆

布等地番戎兵二千餘眾直擣前藏擒獲阿爾布巴

等

欽差公同審實於九月之晦誅於布達拉之前西藏復安

即以台吉頗羅彙為扎薩克台吉管理前後藏事務

十一月自藏遷達賴刺麻於裏塘自是

命大臣統兵在藏鎮守七年

敕封頗羅彙為固山貝子八年正月又自裏塘遷達賴刺

麻於噶達

敕建惠遠廟坐牀九年加封頗羅彙為貝勒伊長子扎什



朗結為公爵後為刺麻次子珠彌納木剌號達賴巴  
 兔兒為台吉准其朝貢十三年送達賴刺麻回藏坐  
 牀乾隆五年

欽差護軍統領殷扎納齋印晉封頗羅鼐為郡王十一年

封珠彌納木剌為長子

疆域 在西寧南三千六百七十里成都西南六千

四百七十五里東至寧靜夕松工二山交巴塘界

西至阿里交拉丹界三千二百里通準噶爾要隘

南至奕爾交洛壩生番界北至木魯烏蘇噶爾藏

胡又交青海番族界

形勢 環山拱合為勢百源積流成江

山川 布達拉山 在藏西約高百餘丈詳古蹟 甲里必洞 與布達拉山相

連約高九十 **牛魔山** 在西藏南約高三百餘丈每

餘丈詳古蹟 歲正月達賴刺麻下山詣大

詔寺謁佛登臺集各寺大小刺麻三萬六千眾或

三千六百眾輒經二十日事竣迎神逐鬼點放大

砲與內地驅疫相似其砲圍約二尺五寸高約四

尺上鑄威勳除叛賊五字諸砲各裝大子於琉璃  
 橋下河灘打過牛魔山以寧 **東噶爾山** 在布達拉  
 地方人民番俗相傳如此 **浪黨山** 在西藏北十里塞  
 里峻聳連霄約高四百 **浪黨山** 在西藏北十里塞  
 丈山下設官西藏要隘 **甘丹山** 在西藏東甘丹寺  
 十里平 **甘丹山** 在西藏東甘丹寺  
 峻參半 **甘丹山** 在西藏東甘丹寺  
 後上下一十五里 **祿馬嶺** 在藏東  
 七日不



高綿長百里四時積雪烟瘴難行過嶺二日至工  
 布達拉北有敵工隘以拒準噶爾傳山為勢設橋  
 為防無他運可通**瓦合一柱刺山**在藏東離洛隆  
 乃西藏咽喉之地**宗四日險峻難**  
 行四山相接綿長百六十里四時積雪不消有數  
 十丈之雪窄行其上愁雲瘴霧日色慘淡鳥獸藏  
 迹康熙五十九年雲南官兵三百餘**過脚山**離瓦  
 人至此山下營一夜風雲人馬盡僵**合山**  
 三日路陡綿長五十里有烟瘴過山至昌都二日  
 昌都乃川滇西藏三界之中為最重之地兩河環  
 抱左右有大木橋東走四川南達雲南**阿里山**在  
 西走西藏北通青海乃屏藩之區也  
 西高峻多瘴途長八百餘**克里野山**在藏北徑過  
 里四時積雪奇寒不可行過山即準噶爾葉  
 積雪烟瘴逼人冬夏皆不可行  
 爾根地方自藏至揚八景出口入草地由哈拉烏  
 蘇至餘樹白兔河等處皆**乳牛山**在西藏東北番  
 係大山其平川俱為旱海

**金沙江**之源其水名烏魯烏蘇東南流入喀木大  
 地又東南流逕中甸入雲南塔城關名**金沙江**大  
 河其源有三一出自三壩經流至勢鎮寺歷湯家  
 竹貢寺哈定合三壩水會於白楮河一出自祿馬  
 嶺經流入烏蘇過仁進里合三壩剛喇水會於白  
 楮河三江之水聚為漚過大則得**怒江**西藏南界  
 慶至西藏門首有木船皮船為渡至此江水  
 不知其源濶數里兩岸絕壁中流急湍人莫能渡  
 迤南一帶名曰**工布地土**頗廣工布之南即絡綸  
 中隔一河絡綸乃野人名老卡止脣割數缺塗以  
 五色牲喜食鹽其地產茜草水竹紫草葺人不耕  
 不織石穴為巢獵牲為食藏內有犯重罪番人即  
 解送過河羣老卡止便分而啖之與豺狼無異

**古蹟** **布達拉寺塔**在藏五里平地突起兩峯一為  
 賴刺麻坐禪處一為甲里必洞山上修樓房二座  
 係有行刺麻靜修處於兩山貫脈中建一塔僧俗



人等往來其間琉璃橋在藏堡外上布達拉山大

蓋西方勝境也琉璃橋道水洞三上建橋樓覆以

琉璃瓦水閣涼亭在布達拉山寺北有池中建樓

故名故名水閣涼亭閣壯麗高爽登覽者必乘舟以

濟風景花園在布達拉山西北環植柳樹

殊佳在藏堡內大街昔為達賴刺麻遊幸之所繼為拉

藏汗住所樓閣壯麗約二百餘間今為駐防衙署

經園在疏目岡布達拉西七里許茂林流泉薜蘿

掩映為達賴刺麻班禪刺麻往來停驂小憩

之海中寺在藏西行半月海中有山寺建於上極

所爾吉拔母宮乃女刺麻唐公主遺像在大詔內曰

多爾吉拔母所居云唐時有唐公主吐蕃贊普並白布國王女塑像並

時有古戎器其劍長五六尺鳥鎗至文餘弓矢較

今式唐碑在大詔門外高一丈五尺寬四

亦倍唐碑尺厚二尺唐文武孝德皇帝撰

神聖贊普舅甥二主商議社稷如一統立太和

盟約永無淪替神人皆以證知世世代代使其稱

讚是以盟文即日關四之關二文武孝德皇帝與

大蕃神聖普綺之黎贊陛下二聖舅甥睿哲鴻

被曉今未之屯亨矜憫之情恩覆其無内外商議

叶同務令萬姓安關二恩如一成又關一大關十

燕義二國所守見管封疆關二屬大唐國界其實

以西方是大蕃境土彼此不為殺敵不舉兵革不

相侵謀關二或有猜阻挺生問事訖給以衣糧放

字

字

字

字

字

字

字

字

字

字

字

字

字



歸今社闕一字舅甥相安之義不朽每須通傳彼此

相倚一任闕七路蕃漢臣以將軍闕三其綏氏柵

已東大唐祇應清水縣以西大蕃供應舅甥親近

之稷使其兩界烟塵不揚闕四之名須無驚恐之

患闕一人情闕一鄉闕二俱安如斯樂業之闕一

恩萬代或有闕一美之聲遍於日月所照矣蕃於

蕃國受安漢亦漢國受樂茲乃合其大業耳闕一

依此盟誓永久不得私易然三寶諸賢並日月星

辰闕十約闕二於陳刑之此大闕三倘不依此誓

蕃漢闕八破盟者來其殃禍也仍須闕五盡為陰

謀者不在破盟之限蕃漢君臣並稽古立誓周細

為文闕八

古紀功碑在大卜刺巖前朝雲山為劍 風樹為旗

用彰我武 永靖邊夷

土則水利 烏斯藏田有水旱土地平行達賴刺麻

所居為布達拉藏王所居為諾南北表長四十里

東西延廣四五百里陸可馳馬中貫河道水流東

南不甚駛急清波連漪澄澈見底詔內夾河兩聚



部  
落  
臨  
白  
水  
江  
為  
藏  
地  
之  
中  
央  
番  
戎  
僧  
俗  
商  
賈  
雜  
處  
其  
地  
廣  
二  
里  
許  
詔  
中  
樓  
殿  
衙  
署  
街  
衢  
馬  
市  
井  
井  
可  
觀  
周  
回  
無  
城  
郭  
就  
人  
所  
居  
碉  
樓  
環  
繞  
相  
聯  
以  
為  
藩  
籬  
似  
中  
華  
一  
大  
郡  
鎮  
其  
餘  
邨  
莊  
星  
羅  
棋  
布  
外  
則  
崇  
山  
圍  
繞  
隘  
口  
險  
峻

詔  
之  
北  
畜  
水  
為  
圩  
土  
人  
種  
稻  
其  
中  
故  
詔  
中  
多  
白  
米  
詔  
中  
河  
名  
白  
水  
江  
江  
面  
隨  
水  
濶  
狹  
澄  
澈  
見  
游  
魚  
中  
多  
綠  
松  
兒  
石  
頂  
如  
盆  
盎  
然  
淘  
泥  
下

風  
俗  
信  
佛  
崇  
僧  
生  
子  
半  
為  
刺  
麻  
沈  
面  
於  
酒  
淫  
瀆  
於  
色  
婚  
嫁  
無  
禮  
至  
不  
忍  
言  
死  
喪  
或  
付  
鷹  
犬  
或  
投  
水  
火  
其  
習  
俗  
也



物產 松蓋石 青金石 瑪瑙石 密蠟 琥珀

硃砂 阿魏 黃連 茜草 紫草 胡連

石青 桂皮 訶梨勒 藏棗 藏杏 藏香

藏紅花 藏核桃 椰子 氈毯 偏單 藏繭

藏綢 花綢 花布 紫檀 青鹽 青稞 小

麥 犏牛 牦牛 犛牛 青羊 羚羊 細鱗

魚 天鵝蛋 黃鴨 六畜 皆有獨犬 大餘俱小 奇松 西藏

山多松虬蟠偃蓋 上有百鳥巢焉

關隘 湯家古索 在西藏東一百八十里 有缺索橋 番民呼為扎桑巴 東噶爾

關 在藏西三十里南憑大 曲署關 在布達拉西一

河此倚峻嶺頗稱險要 素橋 為前後 哈喇烏蘇河口 在藏東北一千四百

藏往來要道 屬西 木魯烏蘇河口 在藏東北二十九百里與西

於河口住牧盤 詰往來具報

戶口 藏王頗羅蘇所管前藏部落六十八處人民

計一十二萬一千四百三十八口 寺廟三千一百

五十座 刺麻計三十萬二千五百六十衆 後藏部

落十三處 人民計六千七百五十二口 寺廟三百

二十七座 刺麻計一萬三千六百七十一衆



雍正十年分歸西藏管轄番民共四十族計四千八

百八十五戶一萬七千六百九十八口又

賞給達賴刺麻自漢人寺起至錫磋止共二十三處

大小頭人一百七十八名番民一萬一千八百五

十七戶

貢賦 西藏轄下每年共認納 貢馬九十二匹牦

牛一千五百九隻犏牛七十二隻羊一千三百七

十隻

賞給達賴刺麻轄下每年共認納糧銀一千五百二

十二兩米一百刻青稞九百刻麥二百五刻豌豆

三百三十刻馬二十匹騾三十四匹犏牛三十五

隻犛牛三百九十隻羊一千三百四十九隻鹽五

百五十三支豹皮三張狢獠獾皮一張酥油一百

八十刻茶三十五甌

人事 官多世襲治事藏王之下設噶隆數人總理

事務設高覺一名察核境內事宜昌諸數名專司

錢糧浪子沙數名管理刑名并承辦差務其料理

家務頭人名業爾巴其各處大頭人曰碟巴次曰



熱熬其統兵之人名代奔皆取讀經典善書能幹  
事而家道殷實者爲之人不雍髮耳飾大環項挂  
念珠視耳環大小以分等威農遇春和水至耕  
耘鋤耨水田旱地各乘時力作農事差似中華惟  
牛微小有五頭作一具者工匠各色皆備木石  
工玲瓏細膩丹青纍絲尤屬奇巧商有本地及西  
洋纏頭鄂羅厄勒素回回各色日人貨物輻輳交  
易街市婦人充牙僧經紀其間醫藥卜筮俱有  
詔中人病俱服藥延醫診治諸藥大半與中華異

皆出藏地及西洋遠方購易者多係丸散小疾則  
以清油酥油遍身擦之暴於日中或刺血卜筮遇  
事則翻檢其經以數目推測休咎其經典中每事  
各註明吉凶觀玩以告占者似乎中國神籤之詞  
又有刺麻以紙畫八卦書番字而占者有以青稞  
排卦抽五色毛索而占者或數素珠而占者或畫  
地而占者或看水碗而占者婦人中亦有能者  
交接禮儀自噶隆碟巴下至小番見藏王暨長子  
祇卸帽於手伸舌打半躬垂手曲腰各自就坐凡



進見必遮哈達如綾絹手帕長短不一亦如中華  
投刺之意卽平行亦彼此交換爲禮 居室皆係  
平頂碉房砌石爲牆層累而上覆以土石有二三  
層至五七層者 衣冠男衣大領衫紅綠彩色不  
一腰纏白緞頭戴白巾以極細帛布爲之倣唐進  
士巾婦人衣偏衫裙長摺細髮覆珠帽甚有費至  
數千金者若百餘金中人以下之飾矣凡見刺麻  
婦女皆用紅糖塗其腮不然則謂其呈妍獻媚罰  
征不宥 刑法有律例三本共四十二條所載刑  
殺奪相奪也

天時 自木魯烏蘇西一路至烏斯藏每晚日落見  
星仰觀經星及象星覺光芒閃爍較中土爲更大  
歷夏秋冬三季並不見北斗七星烏斯藏恭奉  
正朔遵時憲書行歲以建寅孟春爲首亦有閏月但  
其閏月不同時耳如壬子年閏五月其地閏正月



乙卯年閏四月其地甲寅年閏七月更有閏日之  
異月無小盡如閏初一則無初二卽至初三日矣  
或於月內摘去二三日如二十六日次日卽二十  
八日推日月之蝕亦毫髮不爽四時氣多溫和夏  
亦暑雖秋分後經冬至春分鮮嚴寒頗似中華二  
八月也日月明晦雷電震作較中華無異少晴霽  
多陰雨夜亦有露秋終有薄霜雪不厚積秋末春  
初各處有薄雪冰雹平時稀見但行軍之時隨路  
水圍山獵則雷雨冰雹頓至不旋踵平時間作達

賴刺麻呪祝卽止然亦有不應者

兵防 西藏計有馬兵六萬四千餘名拉撒馬兵三

千名後藏馬兵二千名阿里馬兵五千名裸壩馬

兵一千名党子拉藏浪木錯等處地方龜帳蒙古

馬兵三千名阿里並前後藏各處步兵共五萬名

至臨陣惟蒙古有馬兵八百名頗勇其次阿里裸

壩工布之兵尚健其餘之兵具名而已兵無營制

有事於部落中抽派壯勇者出人不出馬出馬不

出人亦有甲冑其甲有柳葉者有連環者有鎖子



者馬兵盔上插紅纓一撮孔雀尾一支步兵盔上插雄雞尾一束所用之矢皆竹為之鵬翎鏃如錐長三四寸其弓木胎角面身稍俱短而小亦有用竹為弓者旗幟以黃紅白黑藍五色綢緞或布為之其製長有八九尺至一丈一二者旗纓各如旗之色對壘馬兵在前步兵在後事畢仍歸本業每年四月內則派兵出駐各隘口一以牧放一以防

邊

寺廟 大詔寺

在西藏堡內坐東向西周回建樓閣瓦蓋飾以黃金內設諸佛像幢旛寶

蓋供奉

萬歲御座香花玉蓋四季長新為西藏巨觀堪布大刺麻

一名小刺麻數千眾 小詔寺 在西藏堡內坐東向西規模壯麗唐時建

相傳為唐公 甘丹寺 在西藏東九十里甘丹山上番民相傳為宗噶巴修行之

主肉身塑像 地即俗所稱寶貝 別蚌寺 在藏西十五里築土為

佛是也刺麻甚眾 之所刺麻約有萬象俱於大寺旁石屋居住 塞

喇寺 在藏北十里依山成勢築土為城雷門三建

河州一帶刺麻 木輓寺 在西藏堡內坐北向南經

桑為寺 在西藏南與甘丹寺相近土城內建大寺

并有唐時供 仍仲寧翁結巴寺 在大詔西八日即



其寺負山襟河院宇殿麗佛像裝嚴仍班禪刺麻坐牀之所各處朝禮之西番蒙古人衆不絕於途凡學番經成必至此撒家寺在扎什隆布境內有受戒取名熬茶施衆撒家班禪刺麻乃係紅帽刺麻之祖師其教刺麻年少時娶妻生子俟其有子後不復再近家室始登法座接背相傳云執正寺在大詔東北二日其寺在角子納山上殿目無所見刺麻搖鈴喚之俄傾之間按西藏寺廟應鹿雉兔各物畢集誠一異觀也

甚夥不能盡載擇其名尤著者錄於右

刺麻 卽中國之釋子其僧家內典皆自番經譯出

然惟西藏爲甚多凡出家者不娶妻著紅黃衣佛書甚多楞伽經至萬卷元世祖尊西藏刺麻八思

巴爲大寶法王錫玉印旣沒賜號皇天之下一人

之上宣文輔治大聖至德普覺真智佐國如意大

寶法王西天佛子大元帝師自是其徒嗣者咸稱

帝師明洪武初太祖征唐世吐蕃之亂思制御之

因其俗尚用刺麻化導爲善乃遣使廣行招諭又

遣陝西行省員外郎許允德使其地於是烏斯藏

攝帝師喃加巴藏卜先遣使朝貢五年十二月至

京帝喜賜紅綺禪衣及藥料錢物明年二月躬自

入朝上所舉故官六十人帝悉授以職改攝帝師



為鐵盛佛寶國師仍錫玉印及綵幣裘裏各二十  
玉人製印成帝眎玉未美令更製暨辭還命河州  
衛遣官齋教偕行招諭諸蕃之未降者冬元帝師  
之後鎖南堅巴藏卜元國公哥列思監藏巴藏卜  
並遣使乞玉印廷臣言已嘗給賜不宜復予乃以  
文綺賜之七年夏佛寶國師遣其徒來貢秋元帝  
師八思巴之後公哥監藏巴藏卜及烏斯僧荅力  
麻八刺遣使來朝請封號授帝師後人為圓智  
妙覺洪教大國師烏斯藏刺麻為灌頂國師並賜

玉印佛寶國師復遣其徒來貢上舉土官五十  
八人亦皆授職九年荅力麻八刺遣使來貢十一  
年復貢奉舉故官十六人為宣慰招討等官亦皆  
報允十四年復貢其時喃加巴藏卜已卒有刺麻  
哈力麻者國人以其有道術稱之為尚師成祖為  
王時知其名永樂元年命司禮少監侯顯僧智光  
齋書幣往徵其先遣人來貢而躬隨使者入朝四  
年冬將至命駙馬都尉沐昕往迎之既至帝延見  
於奉天殿明日晏華蓋殿賜黃金百白金千鈔二



萬綵幣四十五表裏法器裊褥鞍馬香果茶米諸物畢備其從者亦有賜明年春賜儀仗銀瓜牙仗骨朶鮫燈紗燈香合拂子各二手爐六繖蓋一銀交椅銀足踏銀兀銀盆銀罐青圓扇紅圓扇拜褥帳幄各一旛幢四十有八鞍馬二散馬四帝將荐福於高帝后命建普度大齋於靈谷寺七日帝躬自行香於是卿雲甘露青鳥白象之屬連日畢見帝大悅侍臣多獻賦頌事竣復賜黃金百白金千寶鈔二千綵幣表衣百二十馬九其徒灌頂圓通

善慧大國師荅師巴囉噶羅思等亦加優賜遂封哈立麻爲萬行具足十方最勝圓覺妙智慧善普應佑國演教如來大寶法王西天大善自在佛領天下釋教賜印誥及金銀鈔綵幣織金珠袈裟金銀器鞍馬命其徒李隆逋瓦桑兒加領真等爲大國師並賜印誥銀鈔綵幣已命哈立麻赴五臺山建大齋再爲高帝后荐福賜予優厚六年四月辭歸復賜金幣佛像命中官護行自是迄正統末入貢者八已法王卒久不奉貢洪治八年王葛哩麻



已始遣使來貢十二年兩貢禮官以一歲再貢非制請裁其賜賚從之正德元年來貢十年復來貢時帝惑近習言謂烏斯藏僧有能知三生者國人稱之爲活佛欣然欲見之考永宣間陳誠侯顯入番故事命中官劉允乘傳往迎閣臣梁儲等言西番之教邪妄不經我祖宗朝雖嘗遣使蓋因天下初定藉以化導愚頑鎮撫荒服非信其教而崇奉之也承平之後累朝列聖止因其來朝而賞賚之未嘗輕辱命使遠涉其地今忽遣近侍往送幢旛

朝野聞之莫不駭愕而允奏乞鹽引至數萬動撥馬船至百艘又許其便宜處置錢物勢必攜帶私鹽騷擾郵傳爲官民患今蜀中大盜初平瘡痍未起在官已無餘積必至苛歛軍民挺而走險盜將復發况自天全六番出境涉數萬之程歷數歲之久道途絕無郵置人馬安從供頓脫中途遇寇何以禦之虧中國之體納外番之侮無一可者所宜敕書臣等不敢撰擬帝不聽禮部尚書毛紀六科給事中葉相十三道御史周倫等並切諫亦不聽



允行以珠琲爲旛幢黃金爲供具賜其僧金印犒賞以鉅萬計內庫黃金爲之罄盡敕允往返以十年爲期所攜茶鹽以數十萬計允至臨清漕艘爲之阻滯入峽江舟大難進易以舳舻相連二百餘里及抵成都日支官廩百石蔬菜銀百兩錦官驛不足取傍近數十驛供之治入番器物估值二十萬守臣力爭減至十三萬工人雜造夜以繼日居歲餘始率將校十人士千人以行越兩月入其地所謂活佛者恐中國誘害之匿不出見將士怒欲

脅以威番人夜襲之奪寶貨器械以去將校死者二人卒數百人傷者半之允乘善馬疾走僅免返成都戒部下弗言而以空函馳奏至則武宗已崩世宗召允還下吏治罪嘉靖中法王猶數入貢迄神宗朝不絕時有刺麻鎖南堅錯者云知己往未來事稱活佛順義王俺荅亦崇信之萬歷七年以迎活佛爲名西侵瓦刺爲所敗鎖南堅錯戒以好殺勸之東還俺荅亦勸刺麻通中國乃自甘州遣書張居正自稱釋迦摩尼比丘求通貢饋以儀物



居正不敢受聞之於帝帝命受之而許其貢由是  
 中國亦知有活佛此刺麻有異術能服人諸番莫  
 不從其教即大寶法王及闡化諸王亦皆俯首稱  
 弟子自是西藏止知奉此刺麻諸番王徒擁虛位  
 不復能施其號令矣今藏內刺麻番人最崇信敬  
 禮者前藏達賴刺麻後藏班禪刺麻 西都楞布  
 氣 多爾吉拔姆 扎什楞布氣 三巴呼圖兔  
 噶爾嗎呼圖兔 阿嗎記仲呼圖兔 阿里竹孫  
 呼圖兔 阿嚕仲吉 地母呼圖兔云俱能轉生

不迷本性然無可考其教始有黑帽紅帽刺麻能  
 役鬼驅神吞刀吐火招水呼風柔金隱身諸法至  
 今藏內刺麻能之者尚多自西寧刺麻宗噶巴抵  
 藏甘丹寺坐牀設教戴黃帽禁其徒妄作以靜坐  
 修禪為本謂之黃教其教今大盛云

附國 後套在大詔西邊相距五百餘里屬藏王管  
 轄土沃產棗 後藏在詔之南將千里近雲南界  
 班禪刺麻主之土宜美饒 巴爾布國在藏西南  
 行兩月其民分為三部一曰布顏罕一曰葉楞罕



一曰庫庫木罕地產犀牛孔雀珊瑚琥珀於雍正

十一年遣使奉表入都 布魯克巴國在藏西南

約行月餘天氣炎熱產大豕稻黍豆麥瓜果與中

華相類南行月餘即天竺國界唐時歸附於內賜

給刺麻印冊尚存其文曰唐師國寶之印於雍正

十一年遣使奉表入都

自西寧至藏路程附

西寧府

一百五十里至

河拉庫托營

過日月山即係青海地方二十里至

哈什

哈水

有草無柴燒糞青海蒙古住牧自此分南北兩路北路走六程南路走五程即會合六十

里北路侃布灘

有草無柴青海蒙古住牧七十里至

阿拉烏兔

有草無柴

青海蒙古住牧七十

哈套

有草無柴青海蒙古住牧五十里至

西哈套峽

有草

無柴青海蒙古住牧七十

木戶兒

有草無柴青海蒙古住牧六十里至

牛哥兔

有草無柴青海蒙古住牧又

南路白彥腦兒

有草無柴

青海蒙古住牧五十

恰不恰

有草無柴青海蒙古住牧四十里至

西泥腦兒

有草無柴青海蒙古住牧六十

公噶腦兒

有草無柴青海蒙古住牧六十里至

免與北路合為

沙拉兔

有草無柴青海蒙古住牧六十里至

衣麻兔

有草無柴青海蒙古住牧五十

登弩兒特

有草無柴阿力克番子住牧六十里至

哈隆烏素

有草無柴阿力克番子住牧有瘴七十里至

埡列腦兒

有草無柴



阿里克番子住牧 垺利卜拉 有草有柴端住格隆 有瘴七十里至

里必留兔溝 有草無柴端住格隆百 阿隆阿他拉 有草無柴端住格隆百 有瘴六十里至

川有藥草水窠草微有瘴南各壘番子住 貞力麻 有瘴六十里至

川黃河源 有草無柴有瘴南北達賴刺 噶順阿壩 有瘴六十里至

兔 有草無柴永沙豹百戶 且克腦兒 有草無柴有瘴蒙古爾津 有瘴六十里至

番子住牧 哈麻胡六太 有草無柴蒙古爾津番 哈 有瘴五十里至

拉河 有草無柴南年木錯番子北 烏蘭伏哩 草微 有瘴五十里至

南別利番子住牧北星 阿拉台奇 草微無柴南別 有瘴六十里至

星宿海腦有 刺麻托洛海 有草無柴南別利番子 有瘴六十里至

五十一克白彥哈拉 有草無柴多洛奴圖 烏河那 有草無柴多洛奴圖 有瘴六十里至

峽 草微無柴多洛奴圖 巴汗白彥哈拉底 有草無 有瘴六十里至

學番子住牧 哈拉河洛 有草無柴那哈學番子 柯 有瘴六十里至

柯賽渡口 有草無柴由受番子住牧自此赴藏有 有瘴六十里至

河再上為擺圖水不發時駝馬可涉 自西寧起至 有瘴六十里至

然官兵入藏皆由柯柯賽故紀此路 穆魯烏素河計三十程共一千七百一十里有瘴

氣地方一十三處 自柯柯賽起 柯柯托爾 有草有 有瘴六十里至

狹由受番子住 大湖灘 有草有瘴南北由受百戶 有瘴六十里至

里托伙六托洛海 有草有瘴南阿爾台奇番子住 有瘴六十里至

至托伙六托洛海 有草有瘴南阿爾台奇番子住 有瘴六十里至



插漢哈達 有草有瘴南阿爾台奇番子住牧 東小

拉 有草有瘴南格里吉番子住牧 塞柯奔 有草格

子住牧六 胡藍你伙 有草格里吉番子 多藍巴兔

兒 有草格里吉番子 卜漢你賽爾 有草有瘴格里

十里 胡角爾兔 草缺格里吉番子 阿河但 有草有

番子住牧 因大木 有草有瘴奔巴番 鐵兔托洛 有

四十里至 有瘴奔巴番子 一克奴木汗 有草有瘴奔巴番

住牧六十里至 胡 有草有瘴奔巴番 巴汗奴木汗 有草有瘴說立

牧五十 撥湖沙 有草有瘴說立站且功 查汗哈達

里至 坡伙 有草有瘴說立站且功 尺汗哈達 有草有瘴

功番子住牧 沙各 有草有瘴說立站且功 曠札希

四十里至 里 有草有瘴南北通擺 却那你伙六 有草有瘴哈

蒙古住牧西藏 哈拉烏素 有草哈拉烏素堪布 班

所管六十里至 的奔第 有草有瘴堪布蒙 哈拉火洛 有草西堪布

十里 魁田希拉 有草有瘴堪布蒙 巴卜隆 有草有

至 河又巴又番子住牧西 乃滿素不拉哈 有草河又

至天蓋腦兒四十里至 住牧西藏所 達目 有草南河又巴又番子住牧西

管五十里至 羊阿拔 有草有瘴達目番 來頂寺 草微地狹



住牧四草微南至大鐵鎖橋江五十里至恰哈拉草微南至兩

至孫冬卜宗草微四浪唐草微南浪唐番子住牧

牧皆西藏所東至四川大路南至洛華番子管八十里至西藏住牧處西至後藏北至羊巴景

自穆魯烏素河起至西藏止計三十七程共一千

九百六十里有瘴地方二十三處一路俱有水故不分載其無崇

處皆屬燒糞右自西寧至西藏大詔止共計六十七程

路三千六百七十里

松門楊氏曰古昔弓矢之藝與禮樂之藝同列於學

干戈之舞與羽籥之舞並隸於教蓋兵者聖人所以

討強暴救危殆何可一日不講也子朱子云為守令

第一便是民事為重其次便是軍政今人都不理會

然則武備者世儒文吏多存而不論奚可哉吾甚不

取故纂斯志凡兵制備兵戍兵民兵土兵下至戎器

駝馬無不詳載至番族遠近塞外四衛始末并青海

源流所通準噶爾徑路烏斯藏疆域山川古蹟闕隘

戶口兵防天時人事亦備細附列焉欲蒞茲土者知

地利而為之防範也古今戰陣之法亦因時制宜要

不外陰陽五行而已黃帝五陣分木火土金水即直



陣銳陣圓陣方陣曲陣是也太公天陣地陣人陣乃  
星宿孤虛山川向背偏伍彌縫是也天地風雲虎翼  
蛇蟠龍飛鳥翔此風后八陣也方圓牝牡衝直方宜  
車輪鴈行此孫子八陣也吳起八陣又有曲直銳封  
車廂車軋鵝鶴衝陋之殊武侯八陣則又有洞當中  
黃龍騰鳥翔連衝握奇之異李靖之六花陣則中軍  
外軍左虞候右虞候左二廂右二廂乃善變九軍之  
法耳所謂八陣卽九軍九軍者以八包一方陣也六  
花卽七軍以六包一圓陣也方爲陰圓爲陽然漢霍  
驥騎唐張睢陽來岳忠武皆立功當時垂名後世未  
嘗用古陣法神而明之又存乎其人也寧郡卒伍耐  
勞而敢戰兵以氣爲主第養其鋒銳周其空乏精其  
騎射西陸之勁旅矣其步伐止齊演陣修飾抑末也  
良將帥自握其要焉



身謀如自然其果氣  
 前使商朝之國然矣其法必其嚴密所為雖時不  
 變而增進之必其法必其嚴密所為雖時不  
 善自古制法而即之天其法其人必寧焉卒而極  
 難其法則期期其法必其嚴密所為雖時不

卷二十一終